



BOSNA I HERCEGOVINA
FEDERACIJA BOSNE I HERCEGOVINE

GRAD ZENICA

Na osnovu člana 69. stav 2. tačka d) i 70. stav 1. 4. i 6. Zakona o javnim nabavkama („Službeni glasnik BiH“, broj 39/14, 59/22), u otvorenom postupku za izgradnju rezervoara od 100m³ vodovoda na Smetovima za potrebe objekata u rekreativnom centru „Smetovi“, Gradonačelnik donosi:

**ODLUKU
o poništenju postupka javne nabavke**

Član 1.

Poništava se otvoreni postupak za izgradnju rezervoara od 100m³ vodovoda na Smetovima za potrebe objekata u rekreativnom centru „Smetovi“, iz razloga što jedina zaprimljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama.

Član 2.

Za izvršenje ove odluke zadužuje se i ovlašćuje Služba kabineta Gradonačelnika.

Član 3.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-20189/24 od 24.10.2024. godine. Obavještenje o nabavci broj: 1355-1-3-192-3-301/24 objavljeno je na Portalu javnih nabavki dana 30.10.2024. godine.

Procijenjena vrijednost za predmetnu nabavku iznosila je 102.500,00 KM bez PDV-a.

U krajnjem roku za dostavu ponuda, Ugovorni organ zaprimio je samo jednu ponudu ponuđača „ŠPIC BETON“ d.o.o. Zenica koje je neprihvatljivi odbačena, iz sljedećih razloga:



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Komisija je konstatovala da je za izgradnju rezervoara od 100m³ vodovoda na Smetovima za potrebe objekata u rekreativnom centru „Smetovi“, po provedenom otvorenom postupku izvršena provjera računskih operacija u ponudama. Tom prilikom su kod ponuđača “ŠPIC BETON” d.o.o. Zenica uočene greške isključivo računске prirode.

Ponuđaču je upućen zahtjev za potvrdom ispravki grešaka sa napomenom da ukoliko odbije potvrditi predložene ispravke u skladu sa članom 68. stav 4. tačka g) Zakona o javnim nabavkama, ponuda će biti odbačena i neće biti uzeta u dalje razmatranje pri bodovanju i rangiranju ponuda.

Ponuđač “ŠPIC BETON” d.o.o. Zenica je propustio da dostavi saglasnost na zahtjev za ispravke greške računске prirode, u roku koji mu je odredio ugovorni organ, aktom broj: 11-11-16645-10/24 od 03.10.2024. godine, te se u skladu sa članom 68. Stav 4. Tačka g) Zakona o javnim nabavkama ponuda ponuđača “ŠPIC BETON” d.o.o. Zenica za odbacuje i ne ulazi u dalju evaluaciju ponuda.

S obzirom da je zaprimljena samo jedna ponuda koja je neprihvatljiva, Ugovorni organ poništava postupak javne nabavke u skladu sa članom 69. stav 2. tačka d) Zakona o javnim nabavkama.

POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi, putem Ugovornog organa: Grad Zenica, Služba kabineta Gradonačelnika, Trg BiH 6, 72 000 Zenica, u roku od 10 (deset) dana od dana prijema Odluke.

Žalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu.

Žalba se podnosi neposredno Ugovornom organu u pisanoj formi.

Broj: 02-11-20189-2/24

Datum: 17.12.2024. godine

DOSTAVLJENO :

- 1 x Ponuđač
- 1 x Služba kabineta Gradonačelnika
- 1 x Tenderska dokumentacija
- 1 x a/a



GRADONAČELNIK:

Fuad Kasumović